



Broj: 13-11-4-10183/25

Datum: 15.01.2026. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javnu nabavku roba, radova i usluga, Općinska načelnica d o n o s i

ODLUKU
o poništenju postupka javne nabavke

I

Poništava se postupak javne nabavke „Usluge pregleda dječijih igrališta i certificiranje službenika Općine i JP ONSA“.

II

Za izvršenje ove Odluke zadužuje se Služba za zajedničke poslove.

III

Odluka o poništenju postupka javne nabavke objavit će se na web stranici www.novosarajevo.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-10183/25 od 07.11.2025. godine.

Procijenjena vrijednost javne nabavke: 29,914.53 KM bez PDV-a, odnosno 35.000,00 KM sa PDV-om.

Obavještenje o javnoj nabavci broj 935-1-2-215-3-308/25 objavljeno je na Portalu javnih nabavki dana 03.12.2025. godine.

Komisija za javnu nabavku roba, radova i usluga je imenovana Rješenjem Općinske načelnice broj: 01-11-4-5935/25 od 09.07.2025. godine.

Iz Zapisnika sa otvaranja ponuda vidljivo je da je do dana 24.12.2025. godine, pristigla ponuda slijedećeg ponuđača:

Red. Br.	Naziv i sjedište ponuđača	Ukupna ponuđena cijena bez PDV-a
1.	TUV NORD Adriatic d.o.o. Zagreb	34.227,00 KM

Nakon izvršenog otvaranja ponuda, Komisija za javne nabavke roba, radova je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponudu ponuđača TUV NORD Adriatic d.o.o. Zagreb Komisija je ocijenila kao **neprihvatljivu** iz sljedećeg razloga:

Ponudač TUV NORD Adriatic d.o.o. Zagreb je dostavio ponudu sa ukupnim iznosom ponuđene cijene koja je veća od procijenjene vrijednosti predmetne nabavke bez PDV-a, kao i obezbijedenih novčanih sredstava ugovornog organa za nabavku.

Iz naprijed navedenih razloga, ponuda ponuđača TUV NORD Adriatic d.o.o. Zagreb se nije mogla uzeti u dalje razmatranje.

U skladu iznad navedenim, a u skladu sa odredbama 69. stav (2) tačka d) i e) ponuda ponuđača TUV NORD Adriatic d.o.o. Zagreb ocijenjena je kao neprihvatljiva i ista prelazi iznos obezbijedenih novčanih sredstava bez PDV-a ugovornog organa za nabavku.

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama 69. stav (2) tačka d) i člana 69. stav (2) tačka e) Zakona o javnim nabavkama donese Odluku o poništenju postupka javne nabavke, jer jedina zaprimljena ponuda je neprihvatljiva i prelazi iznos obezbijedenih novčanih sredstava ugovornog organa za nabavku.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka d) i e) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

PO OVLAŠTENJU OPĆINSKE NAČELNICE
SEKRETARKE OPĆINSKE



Amira Talovic

(VNE SLUŽBE)